

# 12 LEI DE PROMOCIÓN DA AUTONOMÍA PERSOAL E ATENCIÓN A PERSOAS EN SITUACIÓN DE DEPENDENCIA

## OBXECTIVO:

A Lei de Promoción da Autonomía Persoal e Atención a Persoas en Situación de Dependencia ten por obxectivo regular as condicións básicas que garantan a igualdade no exercicio do dereito subxectivo da cidadanía á promoción da autonomía persoal e atención ás persoas en situación de dependencia nos termos establecidos nas leis, mediante a creación dun sistema para a autonomía e atención á dependencia, coa colaboración e participación de todas as administracións públicas e a garantía pola Administración Xeral do Estado dun contido mínimo común de dereitos para todas as persoas en calquera parte do territorio do Estado Español.

O sistema para a autonomía e atención á dependencia responderá a unha acción coordinada e cooperativa da Administración xeral do Estado e as comunidades autónomas, que conterà medidas en todas as áreas que afectan ás persoas en situación de dependencia, coa participación, se é o caso, das entidades locais. Existe unha escala de valoración específica para menores de 3 anos (EVE), na que se establecen revisións de oficio periódicas aos 6, 12, 18, 24, e 30 meses. Revisión final 36 meses

## GRAOS:

**Grao I. Dependencia moderada:** a persoa necesita axuda para realizar varias actividades básicas da vida diaria, polo menos unha vez ao día ou ten necesidades de apoio intermitente ou limitado para a súa autonomía persoal.

**Grao II. Dependencia severa:** a persoa necesita axuda para realizar varias actividades básicas da vida diaria dúas ou tres veces ao día, pero non require o apoio permanente dunha persoa coidadora ou ten necesidades de apoio extenso para a súa autonomía persoal.

**Grao III. Gran dependencia:** a persoa necesita axuda para realizar varias actividades básicas da vida diaria varias veces ao día e, pola súa perda total de autonomía física, mental, intelectual ou sensorial, necesita o apoio indispensable e continuo doutra persoa ou ten necesidades de apoio xeneralizado para a súa autonomía persoal.

**Grao III+. Dependencia extrema:** novo nivel de dependencia en vigor dende 23/10/2025 créase para incluír ás persoas que xa teñen recoñecido o Grao III de dependencia e presentan ELA en fase avanzada ou outras enfermidades moi complexas e irreversibles. Terán dereito a un nivel mínimo de protección específico, garantido polo Estado, con posibilidade de acceso a dúas opcións de prestacións económicas: Prestación económica vinculada ao servizo, que só se pode usar para: Servizo de axuda no fogar / Prestación económica de asistencia persoal.

## PRESTACIÓNS:

Destinadas á promoción da autonomía persoal e a atender as necesidades das persoas con dificultades para a realización das actividades básicas da vida diaria.

## SERVIZOS:

Comprende os servizos sociais de promoción da autonomía persoal e de atención á dependencia que seguen:

- Servizos de prevención das situacións de dependencia e de promoción da autonomía

persoal.

- Servizo de teleasistencia.
- Servizo de axuda no fogar:
  - Atención das necesidades do fogar.
  - Coidados persoais.
- Servizo de centro de día e de noite:
  - Centro de día para maiores.
  - Centro de día para menores de 65 anos.
  - Centro de día de atención especializada.
  - Centro de noite.
- Servizo de atención residencial:
  - Residencia de persoas maiores en situación de dependencia.
  - Centro de atención a persoas en situación e dependencia, en razón dos distintos tipos de discapacidade.

## PRESTACIÓNS ECONÓMICAS:

- Prestación económica vinculada ao servizo: será recoñecida unicamente cando non sexa posible o acceso a un dos servizos públicos ou concertados de atención e coidado, que terán carácter prioritario, e estará en todo caso vinculada á adquisición dun servizo.
- Prestación económica para coidados no ámbito familiar e apoio a coidadores/as non profesionais: recibirá unha prestación económica para ser atendido por coidadores/as non profesionais, sempre que se dean condicións axeitadas de convivencia e de habitabilidade da vivenda.
- Prestación económica de asistencia persoal: o seu obxectivo é contribuír á contratación dun/ha asistente persoal, durante un número

de horas, que lle facilite a persoa beneficiaria o acceso á educación e ao traballo, así como a unha vida máis autónoma no exercicio das actividades básicas da vida diaria (ABVB).

### **CARTEIRA DE SERVIZOS:**

A carteira de servizos sociais constitúe o instrumento mediante o cal se relacionan as modalidades e prestacións que integran o contido dos servizos previstos no catálogo regulado polo artigo 15 da Lei 39/2006, do 14 de decembro, de promoción da autonomía persoal e atención ás persoas en situación de dependencia.

Establece tres carteiras diferentes: carteira de servizos comúns, de servizos específicos e de asistencia persoal.

#### **1- Carteira de servizos comúns:**

- Servizos de prevención das situacións de dependencia e promoción da autonomía persoal.
- Servizo de axuda no fogar para atención a persoas dependentes.
- Servizo de teleasistencia e xeolocalización.
- Servizos de atención diúrna con modalidade básica e terapéutica.
- Servizos de atención residencial con modalidade básica e terapéutica.
- Servizo de atención nocturna.

#### **2- Carteira de servizos específicos:**

- Persoas dependentes con Alzheimer.
- Persoas dependentes con discapacidade física: parálise ou dano cerebral.

- Persoas dependentes con discapacidade intelectual: trastornos do espectro autista.
- Persoas dependentes con enfermidade mental.

#### **3- Carteira de asistencia persoal:**

Forman parte da carteira do servizo de asistente persoal os servizos dirixidos a facilitar o apoio persoal, inclusión social e/ou educativa, así como a promoción e participación das persoas que, sendo de idade igual ou superior a 16 anos, atópanse en situación de grande dependencia ou dependencia severa, co obxecto de permitir o seu desenvolvemento nas actividades da vida diaria, laborais e/ou educativas e propiciar a participación da persoa usuaria na vida social e económica.

**ORGANISMO DE REFERENCIA:** Consellería de Política Social e Igualdade, Unidade de Coordinación de dependencia.

#### **NORMATIVA ESTATAL:**

- » Lei 39/2006, de 14 de decembro, de Promoción da Autonomía Persoal e Atención a persoas en situación de dependencia (BOE nº 299 do 15/12/2006)
- » Resolución de 23 de maio de 2007, do Instituto de Maiores e Servizos Sociais, pola que se publica o Acordo do Consello de Ministros, polo que se aproba o marco de cooperación interadministrativa e criterios de reparto de créditos da Administración General

do Estado para o financiamento do nivel acordado, previsto na Lei 39/2006. (BOE nº 132 do 2/06/2007).

» Real Decreto 615/2007, de 11 de maio, polo que se regula a Seguridade Social dos cuidadores das persoas en situación de dependencia (BOE nº 114 do 12/05/2007). Corrección de erros (BOE nº 140 do 12/06/2007).

» Real Decreto-Lei 20/2012, de 13 de xullo, de medidas para garantir a estabilidade orzamentaria e de fomento da competitividade. Modifica a Lei 39/2006, do 14 de decembro, de Promoción da Autonomía Persoal e Atención ás Persoas en Situación de Dependencia. No seu artigo 22 (BOE nº168, do 14 de xullo de 2012).

» Real Decreto 570/2011, de 20 de abril, polo que se modifica o Real Decreto 727/2007, de 8 de xuño, sobre criterios para determinar as intensidades de protección dos servizos e a cuantía das prestacións económicas da Lei 39/2006, de 14 de decembro, de Promoción da Autonomía Persoal e Atención ás Persoas en Situación de Dependencia e establécense as prestacións económicas da Lei 39/2006, de 14 de decembro, de Promoción da Autonomía Persoal e Atención ás Persoas en Situación de Dependencia para o exercicio 2011.

» Orde TAS/2632/2007, de 7 de setembro, pola que se modifica a Orde TAS/2865/2003, de 13 de outubro, pola que se regula o convenio especial no Sistema da Seguridade Social (que regula, entre outros aspectos, o convenio especial de cuidadores non profesionais de persoas en situación de dependencia) (BOE nº 221 do 14/09/2007).

» Real Decreto 1198/2007, de 14 de setembro, polo que se modifica o R.D 504/2007 de 20 de abril, en materia de recoñecemento de descanso por maternidade nos supostos de discapacidade do fillo/a e de recoñecemento da necesidade de asistencia de terceira persoa nas prestacións non contributivas (BOE nº 237 do 3/10/2007).

» Real Decreto 175/2011, de 11 de febreiro, polo que se modifica o Real Decreto 727/2007, do 8 de xuño, sobre criterios para determinar as intensidades de protección dos servizos e a cuantía das prestacións económicas da Lei 39/2006, do 14 de decembro, de Promoción da Autonomía Persoal e Atención ás Persoas en Situación de Dependencia, e o Real Decreto 615/2007, do 11 de maio, polo que se regula a Seguridade Social dos cuidadores das persoas en situación de dependencia.

» Resolución do 13 de xullo de 2012, da Secretaría do Estado de Servizos Sociais e Igualdade, pola que se publica o Acordo do Consello Territorial do Sistema para a Autonomía e Atención á Dependencia para a mellora do sistema para a autonomía e atención á dependencia.

## **NORMATIVA AUTONÓMICA**

» Orde do 17 de decembro de 2007 pola que se establecen os criterios para a elaboración do Programa individual de atención, fixación das intensidades de protección dos servizos, réxime de compatibilidades das prestacións e xestión das prestacións económicas do sistema para a autonomía e atención á dependencia na Comunidade Autónoma de Galicia (DOG nº 246 do 21/12/2007).

» Decreto 15/2010, do 4 de febreiro, polo que se regula o procedemento para o recoñecemento da situación de dependencia e do dereito ás prestacións do sistema para a autonomía e atención á dependencia, o procedemento para a elaboración do Programa Individual de Atención e a organización e funcionamento dos órganos técnicos competentes ( DOG núm. 34 de 19 de Febrero de 2010).

» ORDE do 2 de xaneiro de 2012 de desenvolvemento do Decreto 15/2010, do 4 de febreiro, polo que se regula o procedemento para o recoñecemento da situación de dependencia e do dereito ás prestacións do Sistema para a Autonomía e a Atención á Dependencia, o procedemento para a elaboración do programa individual de atención e a organización e funcionamento dos órganos técnicos competentes (DOG núm. 9 de 13 de xaneiro de 2012).

» Decreto 149/2013, do 5 de setembro, polo que se define a carteira de servizos sociais para a promoción da autonomía persoal e a

atención ás persoas en situación de dependencia e se determina o sistema de participación das persoas usuarias no financiamento do seu custo (DOG nº 182 de 24/09/2013).

» ORDE do 26 de marzo de 2019 pola que se modifica a Orde do 2 de xaneiro de 2012 de desenvolvemento do Decreto 15/2010, do 4 de febreiro, polo que se regula o procedemento para o recoñecemento da situación de dependencia e do dereito ás prestacións do Sistema de autonomía e atención á dependencia, o procedemento para a elaboración do programa individual de atención e a organización e funcionamento dos órganos técnicos competentes.